



TRGOVINA LJUDIMA Pripadnici SIPA-e u Sarajevu priveli diplomatu

Uhapšen konzul BiH u Parizu Velid Hamidićević

Hamidićević osumnjičen da je članovima grupe Elvisa Salčinovića nezakonito izdavao putne listove za žrtve trgovine ljudima te naplaćivao od 500 do 1.200 eura po osobi

Velid Hamidićević, konzul Ambasade BiH u Parizu, uhapšen je jučer u Sarajevu, u okviru akcije kodnog naziva CD. Policijski službenici Državne agencije za istrage i zaštitu (SIPA) uhapsili su Hamidićevića pod sumnjom da je učestvovao u izvršenju više krivičnih djela na način da je članovima organizirane kriminalne grupe Elvisa Salčinovića nezakonito izdavao putne listove za žrtve trgovine ljudima te za te usluge naplaćivao od 500 do 1.200 eura po osobi.

Načelnik policije

Hamidićevića SIPA i Tužilaštvo terete za djela zloupotreba položaja ili ovlaštenja, primanje dara i drugih oblika koristi, krivotvorenje službene isprave i trgovina ljudima. Tokom popodneva on je priveden u službene prostorije SIPA-e, a potom je, uz izvještaj o počinjenom krivičnom djelu, predat Tužilaštvu BiH na daljnje postupanje.

Hamidićević je jedan period bio načelnik Policijske uprave Zavidovići, a nakon rata i načelnik Centra službe bezbjednosti (CSB) Zenica. Bio je i

kandidat za direktora FOSS-a (Federalna obavještajna služba), a spominje se i kao aktivni član obavještajnih struktura još od vremena AID-a.

Od njegovih prijatelja saznajemo da je Hamidićević godinama u diplomatiji, da mu je ovo drugi mandat u Francuskoj te da je u međuvremenu bio angažiran i na diplomatskim poslovima za BiH u Švedskoj.

Podsjećamo, u okviru akcije CD, koja ja započeta 23. juna, uhapšeno je deset osoba kojima je vođa bio Elvis Salčinović iz Zenice, a za koje se sumnja da su se bavile trgovinom žena i djece koje su u Francuskoj koristili za džeparenje i prosjačenje. Sumnja se da je ova grupa na taj način zaradila oko dva miliona maraka.

Ministarstvo vanjskih poslova BiH najavilo je da će se naknadno zvanično očitovati u vezi s hapšenjem konzula, a ministar vanjskih poslova BiH Igor Crnadak kazao je da je upućen u slučaj na kojem je rađeno duži vremenski period u strogoj tajnosti. Otpisnica poslova u Ambasadi BiH u Francuskoj Tamara Đogo-Kovačević kazala je da je, prema njenim saznanjima, Velid Hamidićević na poziv Ministarstva vanjskih poslova BiH službeno doputovao u BiH, gdje se trebao zadržati do 10. jula.

Organizirani lanac

Tužilaštvo BiH je tokom istrage utvrdilo da je Hami-

dićević učestvovao u nezakonitim aktivnostima koje se odnose na izdavanje dokumenata i omogućavanje putovanja i boravka većem broju osoba uglavnom romske nacionalnosti s područja BiH radi činjenja krivičnih djela u Francuskoj.

Postupajuća tužiteljica Posebnog odjela za organizirani kriminal Diana Kajmaković u stalnom je kontaktu s timom koji vodi istragu, a ostvarena je značajna saradnja sa SIPA-om i Ministarstvom vanjskih poslova BiH.

Na Sudu BiH jučer je održano ročište o određivanju mjera zabrane nekima od uhapšenih u akciji CD. Suvadom Sejdić (49), nastanjenu u Zenici, Tužilaštvo tereti da je pljačkala turiste u dosluhu sa službenim osobama (policijcima) koje su joj "dojavljivale" ko se od imućnijih gostiju uputio ka Medugorju.

Tužiteljica Kajmaković je rekla da je cijeli slučaj pokrenut nakon pritužbi vlada Kine i Japana Francuskoj o pljačkama i džeparenju njihovih državljana od romskih osoba po Parizu i drugim francuskim gradovima. Francuzi su utvrdili da se radi o organiziranom lancu, vođenom i osmišljenom u BiH.

Sud BiH je do 23. jula pritvorio Elvisa Salčinovića, Denisa i Tonija Hamidovića te Luku Hrustića, jer bi mogli pobjeći ili utjecati na svjedoke i dokaze.

A. DŽONLIĆ

Page: 16

Reach: 50000

Country: BOSNIA AND HERZEGOVINA

Size: 527 cm2

2 / 2

Balijagić: Trišić je radio po zakonu

Faruk Balijagić, advokat osumnjičenog Božidara Trišića, službenika u administraciji Općine Vlasenica, rekao je na jučerašnjem ročištu da je njegov klijent osumnjičen za izdavanje uvjerenja o državljanstvu Romu Safetu Slobi Hrustiću, rođenom u kampu u Italiji, što nikako ne može

biti sporno, jer su mu roditelji Avdija i Fadila rođeni u Vlasenici, BiH. Prema Balijagićevim riječima, Trišić je bio izložen pritiscima vlasti RS da Romima ne izdaje uvjerenja, ali je on radio poslove u skladu sa zakonima BiH. Sud BiH će odluku o mjerama zabrane donijeti naknadno.

Izbjegavanje skandala

Prema svemu sudeći, Hamidićević je pozvan da bi bio uhapšen na teritoriju BiH te da bi se izbjegao veći skandal. Naime, u okviru iste akcije francuska policija, koja je formirala zajednički tim s Tužilaštvom

BiH, već je uhapsila sedam osoba na teritoriju Francuske. Hapšenje osobe koja ima bh. diplomatski status bilo bi prvo-razredni skandal, pa je odigrano tako da je Hamidićević uhapšen na teritoriju BiH "po pozivu".



Hamidićević: Pozvan u BiH pa uhapšen



Žene i djeca prebacivani u Francusku radi prosjačenja i džeparenja



SALČINOVIĆ:
Vođa grupe